

Wat is denn „Dateien verwalten?“



Veel hundert Dateien sind auf SeEhrn Computer. Ok wenn he noch nieg is – de Dateien höört to de Programme un to Windows. Un Se sülven maakt ok noch welk. De Dateien liggt avers nich lose op de Fastplatt rüm, se wartt in Ordners sorteert. Dateien verwalten heet, dat Se sülven bestimmen köönt, in welk Ordners Dateien landt, de Se sülven maakt. So mööt Se nich ut Hülpllosigkeit alle Ehr Dateien in’n Ordner **Eigene Dateien** sammeln. Wenn Se sik mit dat Dateiverwalten beten utkennt, is en groot Stück Hülpllosigkeit an’n Computer weg; un wenn Se sik mit dat Dateiverwalten good utkennt, heet dat nix anners, as dat Se nu de Baas op’n Computer sind. Denn maakt de Computer nich mehr mit Se, wat he will, sünnern annersrüm!

Wi sett för düssen Workshop vörot, dat Se sik al beten mit Windows utkennt. Woans Se Fenster bedient usw., dat wartt nich mehr extra verkläart.

Dateien bekijken un sortieren

Op SeEhrn Desktop hebbt Se al paar Icons liggen, de för de Datenverwaltung tostännig sind: den **Arbeitsplatz**, dat Icon **Eigene Dateien** un den **Papierkorb**. All drie wiest, wenn Se ehr doppelklickt, en Übersicht över Dateien un deent dorto, de Dateien to löschen, in Ordners to proppen usw.

Doppelklickt Se nu dat Icon **Eigene Dateien**. En Programmfenster geht op, un Se kriggt en Übersicht över den Inhold vun den Ordner **Eigene Dateien**. Op de linke Seite hett Windows paar Vörsläg anbröcht, wat Se allens maken kunnt – niege Ordners usw.



Toeerst mal schall uns avers de Inhold vun’n Ordner intresseern, de op de rechte Seite to sehn is. He kann op ünnerschiedlich Aarten dorstellt ween. Op welk Aart, dat bestimmt Se sülven – nämli in dat Menü **Ansicht**, dat jümmers dorför tostännig is, woans de Oberfläche vun en Programm utsüht.

Gaht Se in Menü **Ansicht** un probeert Se de enkelten Opschoonen vun **Miniaturansicht** bet **Details** ut.

Wenn Se heel veel Dateien in den Ordner stecken hebbt, denn is dat unübersichtlich mit de **Miniaturansicht** un de **Symbole**, nich? – De beste Ansicht för solk Saken is

Details! Stellt Se düsse Ansicht nu in.

Sortieren


De Ansicht **Details** hett en groten Vördeel: De enkelten Eigenschaften vun de Dateien sind ja in Spalten wiest. Un dormit kannst de Dateien in Nullkommanix na de ünnerschiedlich Eigenschaften sortieren!

Name	Größe	Typ	Geändert am
Eigene Bilder		Dateiordner	20.04.2002 23:34
Eigene Musik		Dateiordner	20.04.2002 23:34
Eigene Videos		Dateiordner	08.09.2003 20:58
Eigene Webs		Dateiordner	20.04.2002 23:46
Texte		Dateiordner	25.04.2003 00:55
Fest	30 KB	Microsoft Excel Arb...	21.09.2002 17:23
Firma	52 KB	Microsoft Excel Arb...	17.09.2002 21:22
Mutabor	34 KB	Microsoft Excel Arb...	04.10.2002 00:27
Übung 1	14 KB	Microsoft Excel Arb...	09.07.2002 18:23
Übung 2	14 KB	Microsoft Excel Arb...	09.07.2002 18:24
Übung 3	16 KB	Microsoft Excel Arb...	16.07.2002 23:57

Klickt Se mal op den Spaltenkopp vun de Spalte **Name**. Bätz warrt de Dateien na ehr Naams sorteert – in opstiegen Reegnfolg, also vun A-Z. (Ordners drückt sik jümmers tosamen rümmer.) Klickt Se nochmaal op den Spaltenkopp **Name**, denn warrt de Sorteern umkehr: vun Z-A.

En lütt Dreeangel ▼ blangen dat Woort **Name** wiest de Sorteer-Reegnfolg: De Dreeangel wiest mit de Spitz na baven orr nerrn, je na opstiegen orr afstiegen Reegnfolg.

Op düsse Aart köönt Se en Datei, de ehr Naam mit Z anfängt, ratzfatz na baven halen. Se bruukt darto keen Rullbalken mehr – ok wenn Se 500 Dateien in ehrn Ordner **Eigene Dateien** liggen hebbt!



Geändert am
04.10.2002 00:27
21.09.2002 17:23
17.09.2002 21:22
16.07.2002 23:57
09.07.2002 18:24
09.07.2002 18:23
08.09.2003 20:58
25.04.2003 00:55
20.04.2002 23:46
20.04.2002 23:34
20.04.2002 23:34

Man de Naam is nich de eenzige Eenschap, na de Se sorteern köönt. Probeert Se dat doch maal mit den **Typ**, mit dat Änderungsdatum orr mit de Grött. – De Spalte, na de toletzt sorteert woor, is gries ünnerlegt.

Welk is nu de beste Sortiermethode? Gor keen! Alle sünd good. Dat kümmt op de Situaschoon an, welk de beste is.

Se söökt alle Dateien vun een bestimmten Typ, t.B. alle Excel-Dateien? Denn sorteert Se na **Typ**.

Se söökt en Datei, de Se bestimmt eerst gestern maakt hebbt? Denn sorteert Se na dat Datum. Sodraad de jüngen Dateien baven sünd, hebbt Se Ehr Datei bi'n Wickel.

Typ
Microsoft Excel Arb...
Microsoft Excel Arb...
Microsoft Excel Arb...
Microsoft Excel Arb...
Microsoft Excel Arb...
Microsoft Excel Arb...

So mööt Se de Sortiermethode an de Situaschoon anpassen.

Dateien apenmaken

Na dat geiht einfach dör en Duppelklick! Wenn Se de Datei, de Se hebben wullt, dup pelklickt, geiht foorts dat Programm op, mit dat de Datei maakt is, un dorin warrt de Datei ok glieds apen maakt.




Duppelklicken maakt de Datei apen

In anner Ordner wesseln

Wenn Se een vun de Ordners duppelklickt, warrt de sin Inholl in datsülvige Fenster apenmaakt, un Se köönt em op desülvige Aart bekieken un sorteern.

Wedder na de **Eigene Dateien** kaamt Se denn mit dat Symbol  op de Symboollist.





Ordner duppelklicken maakt den Ordner apen


De Explorer

Dat is ja al ganz good, man dat Rechte is dat noch nich, denn een süht jümmers bloots een Ordner to Tied. Dat richtige Dateinverwalten geiht avers los, wenn een den Überblick över de Ordnerstruktur op'n Computer hett. Un dat kannst hier ok kriegen.

Klickt Se mal op dat Symbol **Ordner** op de Symboollist.



vörher...



...un achterna

Nu seht Se links de Ordnerstruktur op SeEhrn Computer. In't rechte Halv seht Se jümmers den Inholl vun een Ordner. Dat Ganze is de **Windows-Explorer**. De Windows-Explorer is dat eentliche Programm to'n Verwalten vun Dateien. Un dat, wat Windows dor op SeEhrn Desktop verlinkt hett – de **Arbeitsplatz**, de **Eigene Dateien** un de **Papeerkorb** –, dat sünd eentlich bloots Aflegger vun'n Windows-Explorer. De Explorer steckt dor achter, as Se sehn köönt.



Woso maakt Windows denn nich glieks den Explorer op? Na, dat meent, sin Benütters köönt dor nich richtig mit ümgahn. Windows höllt sin Benütters för dösig. Dorüm beed dat de verstümmelte Foorm mit de **Datei- und Ordneraufgaben** an. Man wi warrt uns nu den echten Explorer vörnehmen.


De Datenstruktur

Toerst bekiect wi uns nu dat linke Fenster. Dor sünd bloots Ordners un Loopwarken in to sehn. – Dat is typisch so: In't linke Explorerfenster is de **Datenstruktur** to sehn – Ordners un Loopwarken; avers keen enkelte Dateien.

Vör den Ordner Eigene Dateien is en Minusteken to sehn; dorünner sünd de Ordners angeven, de in Eigene Dateien liggt. Klickt Se eenmaal op dat Minusteken; dat warrt en Plusteken, un de Ordners verswinnt.


Ordners op un to

Mit densülvigen Knoop  Ordner köönt Se dat linke Ordnerfenster ok wedder tomaken. Dat hett avers ok en lütt Krüüz  to'n Tomaken baven rechts.



To'n Merken:

- ⊕ **Plusteken = Slaten:** In düssen Ordner stekt annere Ordner. Se sünd avers noch nich to sehn.
 - ⊖ **Minusteken = Apen:** In düssen Ordner stekt annere Ordner, un se sünd alle nernn to sehn – beten na rechts inrück.
- Gor keen Teken:** In düssen Ordner stekt keen annern Ordner binn. – Is de denn lerrig? Nee! Datein köönt ja in steken, man keen Ordners.




Mit den Inholl vun **Eigene Dateien** hebbt wi uns ja nu al vertraut maakt. Dat interesseert nu nich so. Laat Se em slaten (Plusteken) un klickt Se dat Plusteken vör **Arbeitsplatz** an. Nu warrt de **Arbeitsplatz** apenmaakt (Minusteken), un alle Ordner un Loopwarken, de binn stekt, sünd to sehn.

In den **Arbeitsplatz** stekt alle Loopwarken vun'n Computer – de Fastplatte(n), Disketten-, CD- und DVD-Loopwark!

Vör alle düsse Loopwarken usw. staht Plusteken. Dat heet – na wat? – klaar: Dor stekt Ordners binn!

Klickt Se op de Plusteken vör de Fastplatt (**C:**). De Ordners kaamt vörtüüg. In de Ordners sünd faken ok wedder Ordners – dat sühst an't Plusteken dorvör.




Mit düsse Technik köönt Se sik nu de Datenstruktur op Ehr Fastplatt bekieken. Wenn Se en Plusteken anklickt, warrt dat swupps to en Minusteken, un dorünner seht Se alle Ordner, de dor binn liggt. Dat sünd mehrst so veel, dat dat linke Explorerfenster al en Rullbalken kriggt, dat Se dat ok allens sehn köönt.

Blättert Se nu beten dör de Ordners. Dorbi seht Se ok Ordners, de keen Plusteken vörn hebbt (ok keen Minusteken ☺). Wat is denn mit de? Sünd de ganz lerrig? Nee – dor sünd Datein in! Man keen Ordners. Un Datein kannst nich in't linke Explorerfenster sehn, bloots in't rechte. Un woans kriggt wi dat in't rechte Fenster to sehn?

Rechtes Fenster

Wenn Se den **ganzen** Inholl vun en Loopwark orr en Ordner sehn wüllt – also Datein un Ordners –, denn klickt Se eenmaal op den Naam vun dat Loopwark orr den Ordner. Nu kaamt in't rechte Fenster all de Datein **un** de Ordners vörtüüg.

Op düsse Aart köönt Se nu wüchlich alle Datein sehn, de op Ehr Fastplatt liggt!




Padd

De Padd to en Datei orr Ordner is de Weg, den Se dör de Datenstruktur nehmen mööt, t.B.

C:\Dokumente und Einstellungen\Mina Muster\Eigene Dateien\Privat\Liebesbrief.doc.

De Padd fangt an mit dat Loopwark, denn geht dat de Reeg na dör de Ordners, de inenanner liggt un de Se apen maken mööt, un an't Enn steiht de Datei, de Se anstüern wüllt. De Ordners, de inenanner verschachtelt sünd, warrt mit den \ untannerhollen. (Dat Tekn \ heet op Ingelsch „Backslash“.)

In de Adressreeg baven över de twee Explorerfenster steiht jümmers de Padd vun den Ordner, de sin Inholl graad in't rechte Fenster wiest warrt!

**To'n Merken:**

+ - klicken = linkes Fenster = Struktur.


Naam klicken = rechtes Fenster = Inholl.

Jümmers, wenn Se op en Ordnername klickt, warrt ok in't linke Fenster de Ünnerordners wiest.

Dat Tosamenspeel vun de twee Fenster maakt den Explorer ut. So köönt Se nu op Entdeckungsreis in SeEhrn Computer gahn.

Opgaven

- Kiekt Se sik den Inholl vun den Ordner C:\Programme an. Dat is de Heimat vun de Programmdateien, de al op SeEhrn Computer installeert sünd. Villicht kriggt Se en Warnmellung, dat „Veränderungen in diesem Ordner“ bannig in't Oog gahn köönt. Dat heet: De Dateien hier brukt de Programme to'n Funscheneern. Dat is keen Spielwisch. Klar. Man bekieken dröfft wi.
- Kiekt Se na: Liggt in den Ordner C:\Programme ok lose Dateien orr bloots Ordner?
- Vergliekt Se de Ordners, de Se hier seht, mit den Inholl vun dat Menü **Start | Alle Programme**.
- Kiekt Se in poor vun de Ordners rin, t.B. in C:\Programme\Microsoft Office un de Ünnerordners dorvun.
- Kiekt Se sik den Inholl vun de Ordners in't rechte Fenster an. Sorteert Se den Inholl op ünnerscheidlich Wies.



eventuell giff't düsse Woorsche-Mellung in den Ordner Programme

Diese Dateien sind ausgeblendet.

Dieser Ordner enthält Dateien, die die Systemstabilität gewährleisten. Sie sollten den Inhalt des Ordners nicht modifizieren.

[Ordnerinhalte anzeigen](#)

Wohrschummelung in den Ordner Windows

- Denn geht Se mal in den Ordner C:\Windows. Upps – dor will Windows Se doch wohrfertig nicht ranlaten!

Dor seht Se an, dat düt hier wichtige Dateien sünd – de Dateien nämli, de Windows to'n Funscheneern brukt. Dorüm is dat hier ok keen Spielwisch!

[Ordnerinhalte anzeigen](#)

- Eendoon! Wi wüllt de Dateien sehn. Klickt Se dorto op
- Düt is en grote Ordner. So veel Dateien brukt Windows, üm to funscheneern! Un wat nich allens in de Ünnerordners steken deit! – In den Ordner Windows schullen Se man nienich wat löschen orr verschuven orr op anner Wies rümmerspielen. Bloots bekieken!

De Statusliest

En bruukbare Saak is de Statusliest, de heel nerrn an't Explorerfenster sitt. Wenn se nich to sehn is, haalt Se ehr – Se weet ja: Menü **Ansicht!**


In de Statusliest köönt Se nu aflesen, wa veel Dateien in't rechte Fenster graad to sehn sünd. In min Windows-Ordner sünd dat Stücker 104, d.h. Ordners un Dateien tosamenreket. (Dat kann avers bi en annern Computer en annere Tall ween.)



Also steckt 104 Dateien un Ordners („Objekte“) in den Ordner Windows? Wirklich? Nee: Dat sünd bloots de „Objekte“ op de bövelste Ebene, nämli direktemang in den Ordner sülvst. Man in de Ünnerordners steckt noch veel mehr! Wa veel? Kannst rutfinnen!

Eigenschaften


- Rechtsklickt Se den Ordner Windows.



- Wählt Se ut dat Kontextmenü den Indrag **Eigenschaften**.

- Nu kümmt en Dialog vör-tütig. Op de Registerkoort **Allgemein** wieselt Windows nu dör de Ünnerordners un dör de ehr Ünnerordners un tellt de Dateien.

In den Ordner Windows sünd dat bi mi 8649 Dateien in 287 Ordners (un Ünnerordners un Ünner-Ünnerordners...).




So veel Dateien sitt also in den **gesamten** Ordner! – Klickt Se **Abbrechen**.

Düt **Eigenschaften**-Fenster köönt Se op jeden Ordner opropen.

Ok bi Dateien gifft dat de **Eigenschaften** in't Kontextmenü! Rechtsklickt Se mal en Datei, t.B. een vun SeEhr egen sülvstmaakte Dateien in den Ordner **Eigene Dateien**, un wählt Se ut dat Kontextmenü **Eigenschaften**.

Hier gifft dat poor annere Informaschoonen to sehn:

- den Naam vun de Datei,
- den Dateityp,
- dat Programm, dat Windows bruukt, de Datei apentomaken (wenn Se ehr t.B. doppelklickt),
- de Grött un de Änderungsdaten vun de Datei.



Hinnergrunnweten: Dateitypen



Dateien sünd nich alle gliek, de höört to Familien. Un de Familien ünnerscheed sik dör ehre Nanaam – as bi de Minschen ok.

In de Ansicht **Details** finnt Se in't rechte Explorerfenster en Spalte **Typ**. Dor steiht in, wat för'n Typ de Dateien hebbt – to wat för Familien se höört. Un to elk Familie höört en Programm. Textdateien warrt in't Textprogramm apenmaakt, Bilddateien in Bildprogramme. Mennigmaal steiht de Naam vun dat tohöörn Programm al in de Spalte **Typ** mit binn! So as hier in dat Bild „Microsoft Word Document“ usw. steiht.

Name	Größe	Typ
telefon	816 KB	Microsoft Access-Anwendung
nero_fehler	1.209 KB	Bitmap
html_spalten	4 KB	HTML Document
db8	1.160 KB	Microsoft Access-Anwendung
bla	19 KB	Microsoft Word-Dokument
produkt	112 KB	Microsoft Access-Anwendung
Names	19 KB	Microsoft Word-Dokument
verein	1.556 KB	Microsoft Access-Anwendung
Gundula	40 KB	Microsoft Word-Dokument










Bi Minschen warrt de Familie in den Nanaam angeven. – Bi Dateien ok! Man hier sünd ja gor keen Nanaams to sehn? Nee; Windows meent mal wedder, sin Benütters weern to dösig, dat to kapeern. Dorüm blendt dat de weg. Haalt Se ehr her! So:

- Wählt Se Menü **Extras | Ordneroptionen...**
- In den Dialog, de apengeiht, geht Se op de Registerkoort **Ansicht**.
- In de Liste bi **Erweiterte Einstellungen** söökt Se den Indrag **Erweiterungen bei bekannten Dateitypen ausblenden**.



➤ Soorgt Se dorför, dat vör düssen Indrag keen Hoken mehr steiht.

Nu seht Se in't rechte Explorerfenster de Nanaams vun de Dateien achtern an den Dateinaam anhangt!

Name	Größe	Typ
 telefon.mdb	816 KB	Microsoft Access-Anwendung
 nero_fehler.bmp	1.209 KB	Bitmap
 html_spalten.html	4 KB	HTML Document
 db8.mdb	1.160 KB	Microsoft Access-Anwendung
 bla.doc	19 KB	Microsoft Word-Dokument
 produkt.mdb	112 KB	Microsoft Access-Anwendung
 Names.doc	19 KB	Microsoft Word-Dokument
 verein.mdb	1.556 KB	Microsoft Access-Anwendung
 Gundula.doc	40 KB	Microsoft Word-Dokument

Kiekt Se mal in de Spalte **Name** in düt Bild hier. De Dateinaams gaht alle so: **dateinaam.doc** orr **dateinaam.bmp** orr **dateinaam.mdb**. Eerst'n Naam, denn'n Punkt, un denn – de Nanaam, de de Familie angifft! De Nanaam is mehrst 3

Bookstaven lang. Bekannte Familien seht Se in de Tabell nerrn.

Wenn een solk Datei doppelklickt warrt, weet Windows glieks, welk Programm dat nu nehmen mutt, de Datei apen to maken!

Den „Vörnaam“ vun en Datei köönt Se sülv fastsetten (bi't Spiekern), de Nanaam steiht fast, denn he gifft de Aart vun Datei an. De Nanaam warrt automaatsch an den Vörnaam anhangt. De Nanaam warrt ok Datei-Endung orr Datei-Erweiterung nöömt.

Ordner

...sünd ok Dateien! Man Ordner sünd de eenzige Aart Datei, de keen Nanaam hett. Dat kenntekent ehr. Ordner sünd einfach Dateien, de dorto maakt sünd, annere Dateien in sik to sammeln. Nix wieder. Ordner warrt vun ooldmoodsche Lü ok „Verzeichnisse“ nöömt.

Programme

...sünd Dateien mit de Besünnerheit, dat dor nich bloots Daten, man ok Befehle in steken daat. Wenn dat Datei doppelklickt warrt (also apen maakt warrt), denn warrt de Befehle utföhrt – Fenster gaht op, dat Programm löppt. – Programmdateien hebbt de Endung **.exe**.

Alle Dateien, ok Programmdateien, köönt Se ut den Explorer einfach dör en Doppelklick apen-maken. Bi en „Daten-Datei“ (as een dat nöömt) geiht denn dat tohöörn Programm mit op.

Dateiendung	Dateityp
.doc	Word-Dateien
.bmp, .jpg, .gif	ünnerscheidlich Familien vun Bilddateien
.txt	wat povere Textdateien
.exe	Programm-Dateien (vun „executable“ = utföhrbaar)
.xls	Excel-Dateien
.wav, .mid, .mp3	ünnerscheidlich Familien vun Sound-Dateien
...un mennig mehr!	